

Qilanngaq

Qallunaatut atia: Lunde; Søpapegøje
Latiinerisut atia: Fratercula arctica
Tuluttut atia: Atlantic Puffin
Sorlernut ilaava: Timmissat
Timmiaqatai: Naajakut naloraarusillit
Ilaqutai: Appakkut

Qilanngaq appakkut ilagaat Kalaallit Nunaata kitaani Illoqqortoormiullu eqqaanni piaqqiorfimminni piaqqisartoq. Appakkutut allatulli qilanngaq sukkasoorujussuarmik isaqqilalluni timmisarpoq, angissutsiminut naleqqiullugu timini oqimaatsoq sulumminik naatsunik qangattaassinnaassagamiuk.

Ilisarnaatai

Qilanngaq ilisarnaatigai sigguni portusooq pingasunik teqequusalik, sungaartunik aammalu qasertunik tungujorujuttunik qalipaatilek, uluanilu saneraa qaqortut. Tunua qungasialu kaajallallugu qernertuuvoq, saava sakiaalu qaqortuullutik. Isigai sungarpaluttuupput. Ukiuunerani niaquata sanerai taartuupput sigguilu qalipaatisaannnginnerullutik.

Nerisai

Nerisarai aalisakkat peqquillu, allorluni piniartakkani.



Paasissutissat

Uumaffii: Sineriak imarlu
Sului siaarlutik: 47-63 cm
Takissusia: 30-31 cm
Oqimaassusia: 320-550 g
Sivisunerpaamik uumasarpoq: Ukiut 33
Manniisa amerlassusaat: 1
Ukiumut manniliortarpoq: Ataasiarluni
Ivasarpoq: Ullut 39-43
Piarai piaraasarput: Ullut 38-44

Nalunngiliuk?

Qilanngaq ukiumut ataasiinnarmik mannilarpoq. Piaqqiortarput sinerissap avataani qeqertaqqani imaluunniit innani qutaarluusuni, manniliortarluni qaarsut quppaanni imaluunniit mannini issumi ivigalimmi assaattarlugu. Piaqqiunngikkaangamik imaani avasiinnarsuarmiittarput, ilimagineqarluni Kalaallit Nunaata qilanngai New Foundlandip avataani imaannarmiittartut.